

ҚУРИЛИШ-МОНТАЖ ИШЛАРИНИ СУҒУРТА ҚИЛИШ ШАРТНОМАСИ
(24 СОАТДА ТЎЛОВ)
№ 03/08-09-13-16/00 242

Андижон шаҳри

2021 йил «27» 12

“Суғурта фаолияти тўғрисида” Ўзбекистон Республикаси қонунига мувофиқ Ўзбекистон Республикаси Молия вазирлиги томонидан берилган 2020 йил 25 декабрдаги №00008 лицензияси асосида фаолият юритувчи ва қуйида “Суғурталовчи” деб аталувчи “TRUST-INSURANCE” масъулияти чекланган жамият шаклидаги суғурта компанияси номидан 2021 йил “02” февралдаги 04-сон Ишончнома асосида фаолият кўрсатувчи Суғурталовчининг Андижон вилоят филиали директори З Хурбоева бир томондан ва қуйида «Суғурта қилдирувчи» деб аталувчи “Хизматчи ва ҳалқаро қурилиш” номидан низом асосида фаолият юритувчи М.Азизов иккинчи томон, шунингдек қуйида “Наф олувчи” деб аталувчи «Ягона буюрмачи хизмати» И/К номидан ишончнома асосида фаолият юритувчи учинчи томон бўлиб, биргаликда Томонлар деб аталиб, мазкур Қурилиш-монтаж ишларини суғурта қилиш шартномасини (қуйида – Шартнома) қуйидаги мазмунда туздилар:

1-БЎЛИМ. ШАРТНОМА ПРЕДМЕТИ, СУҒУРТА ОБЪЕКТИ

1.1. Суғурта қилдирувчи Шартномада кўрсатилган миқдор ва муддат(лар)да суғурта мукофотини тўлаши ва суғурталанадиган мол-мулкни мониторинг қилиниши шарти билан Суғурталовчи Шартномада кўрсатилган суғурта ходисаси содир бўлганда суғурталанган мол-мулкка етган зарарни Шартномада келишилган миқдор ва муддатда тўлиқ ёки қисман қоплаш учун Суғурта қилдирувчи суғурта товонини тўлаш мажбуриятини олади.

1.2. Суғурта объекти бўлиб Суғурта қилдирувчи ва (ёки) Наф олувчининг суғурталанган мол-мулкнинг асралиши, шу билан бирга учинчи шахслар ҳамда буюртмачи олдида жавобгарлик юзага келиши билан боғлиқ мулкий манфаатлари ҳисобланади.

2-БЎЛИМ. АСОСИЙ АТАМАЛАР

Шартномада қуйидаги атамалардан фойдаланилади:

2.1. Наф олувчи – суғурталанган мол-мулкнинг асралишида қонун ҳужжатлари ёки шартномага асосланган мулкий манфаати бўлган ва суғурта товонини олишга ҳақли шахс. Шартномада Наф олувчи бўлиб Суғурта қилдирувчи тайинлаган шахс ёки қурилиш ишларини молиялаштираётган банк ёки ташкилот иштирок этиши мумкин.

2.2. Мониторинг – Шартнома тузилишидан аввал қуриладиган объектнинг лойиҳасини ўрганиш, қурилиш майдонининг ён атрофи ва мавжуд суғурталанадиган мол-мулкни кўриқдан ўтказиш, видео ва фотосуратга тушириш ҳамда Томонлар ўртасида мазкур Шартноманинг 1-илоvasи шаклидаги Мониторинг натижаси ва суғурталанган мол-мулкнинг рўйхатини имзолашдан иборат Шартнома бўйича мажбурий жараён.

2.3. Мол-мулк – суғурта муддати мобайнида қурилиш майдонида бўлган, Суғурталанувчи ва буюртмачи ўртасида қурилиш ишларини амалга ошириш бўйича шартномада кўрсатилган бинолар ва қурилмалар, тугалланмаган қурилиш, ускуналар, машиналар, уларнинг эҳтиёт қисмлари, қурилиш материаллари.

2.4. Суғурта полиси – суғурта мукофоти Шартномада келишилган муддат(лар) ва миқдорда тўланганлиги натижасида Шартнома тўлиқ кучга кирганлигини тасдиқлайдиган ҳужжат.

2.5. Суғурта пули – Суғурталовчининг суғурта мажбуриятларининг чегарасини англатувчи пул маблағлари миқдори.

2.6. Суғурта қиймати – суғурталанган мол-мулкнинг Шартнома тузилаётганда Томонлар келишувига кўра белгиланган ҳақиқий қиймати. Мажбуриятни таъминлаш, кам суғурта мукофоти тўлаш ёки бошқа мақсадларда атайлаб камайтирилган суғурта қиймати Шартнома бўйича суғурта қиймати ҳисобланмайди ва бундай ҳолатларда суғурта товонининг миқдори тўлов пайтидаги ҳақиқий суғурта қийматидан келиб чиқиб ҳисобланади.

2.7. Суғурта мукофоти – суғурта учун Шартномада белгиланган тартиб ва муддат(лар)да Суғурталовчига тўланиши шарт бўлган тўлов.

2.8. Суғурта муддати – Суғурталовчининг суғурта ходисаси содир бўлганда суғурта товонини тўлаш бўйича мажбуриятлари амалда бўладиган, Суғурта полисида кўрсатилган давр. Суғурта муддати синов муддатини ҳам ўз ичига олади.

2.9. Суғурта товони – суғурта ходисаси содир бўлганда Суғурталовчи томонидан зарарни қоплаш учун суғурта пулидан ошмаган миқдорда тўланадиган пул маблағлари.

2.10. Синов муддати – қурилиш тугагандан кейин уни қурилишга биринчи синов юкламасини бериш, шу жумладан энергия, ёғилги, хомашё ёки технологик материалларни юклашдан бошланадиган ва синов тугаган санага қадар, лекин энг кўпи билан Шартноманинг 1-иловасида кўрсатилган санагача бўлган муддат.

2.11. Қурилиш кафолати – Суғурта қилдирувчи ва буюртмачи ўртасидаги шартномага муфовиқ Суғурта қилдирувчи томонидан суғурта муддатидан кейин қурилиш ва монтаж ишларида йўл қўйилган камчилик ва нуқсонларни бартараф этиш мажбуриятини ўз зиммасига олиши.

2.12. Қурилиш кафолати муддати – суғурта муддатидан кейин қурилиш ва монтаж ишларида йўл қўйилган камчилик ва нуқсонларни бартараф этиш мажбурияти тугайдиган санагача, лекин энг кўпи билан Шартноманинг 1-иловасида кўрсатилган санагача давом этадиган муддат.

2.13. Қурилиш майдони – Шартноманинг 1-иловасида кўрсатилган манзилда жойлашган қурилиш майдони.

2.14. Учинчи шахслар – Суғурталовчи, Суғурта қилдирувчи, Буюртмачи, улар билан афилланган шахслар ҳамда уларнинг ходимларидан бошқа ҳар қандай жисмоний ёки юридик шахс. Бунда афилланган шахс бўлиб Суғурталовчи, Суғурта қилдирувчи, Буюртмачининг устав капиталида иштироки бўлган шахс ёки Суғурталовчи, Суғурта қилдирувчи, Буюртмачи акциядор ёки таъсисчи сифатида эгалик қиладиган шахс ҳисобланади.

2.15. Франшиза – зарарнинг суғурта билан қопланмайдиган қисми.

2.16. Регресси шартсиз франшиза – учинчи шахснинг мол-мулкига зарар етказилганлиги оқибатида Суғурта қилдирувчининг жавобгарлиги юзага келганда Суғурталовчи суғурта пули доирасида учинчи шахсга суғурта товонини тўлангандан кейин Суғурта қилдирувчи франшиза миқдоридаги маблағни Суғурталовчига тўлашини назарда тутувчи шартсиз франшиза.

3-БЎЛИМ. СУҒУРТА ҲОДИСАСИ

3.1. Суғурта ходисаси бўлиб қуйидаги воқеалар оқибатида Суғурта қилдирувчининг зарар кўриши ҳисобланади:

а) суғурта муддати мобайнида қурилиш майдонидаги суғурталанган мол-мулкка зилзила, ер кўчиши, ёрилиши ёки устки қатламнинг силжиши, сел келиши, қор ёки тоғ жинсларининг кўчиши, ёғингарчилик (ёмғир, қор, дўл), шамол таъсири, яшин уриши, вулқон отилиши, ёнғин, портлаш, кўшни худуд ёки бинолардаги сантехника ёки бошқа қувур ёки тизимлардан сув чиқиши, кўшни худудда ёнғин содир бўлиши сабабли бино безагини қора қурум босиши, кўшни худуддаги қурилиш-монтаж ишларининг жисмоний таъсири, қулф ёки деворлар ёхуд тўсиқларни бузиб содир этилган ўғирлик, ерусти, сув, темир йўл, ҳаво транспорт воситалари ёки жисмларнинг урилиши ёки қулаши, босқинчилик, қурилиш

ишлари жараёнида ҳар қандай жисмлар, ускуналар, юк кўтариш ва тушириш техникасининг кулаши оқибатида жисмоний зарар етиши;

б) суғурта муддати мобайнида учинчи шахсларнинг ҳаёти, соғлиғи ва (ёки) мол-мулкига қурилиш-монтаж ишлари оқибатида зарар етказилганлиги учун Суғурта қилдирувчининг жавобгарлиги юзага келиши, бунда суғурта муддатида учинчи шахсларнинг ҳаёти, соғлиғига етказилган зарар суғурта муддатидан кейин ҳам 6 ой давомида даражаси оғирлашганса, суғурта ҳодисаси ҳисобланади.

в) Суғурта қилдирувчининг қурилиш кафолати бўйича харажатларининг юзага келиши.

3.2. Қуйидагилар натижасида Шартноманинг 3.1-бандида содир бўлган воқеа суғурта ҳодисаси ҳисобланмайди ва кўрилган зарар Шартнома бўйича қопланмайди:

а) зарар етказган воқеани қурилиш майдонида чиқиб кўриқдан ўтказиш натижасида унинг келиб чиқиш сабабини аниқлаш ёки тўғри тахмин қилиш имконияти бўлмаган тақдирда уни келиб чиқиши сабаби мутасадди ташкилотларнинг (ЙХХБ, ЁСХБ, ИИБ ва б.) ҳужжатлари билан тасдиқланмаса;

б) Шартнома тузилаётганда мониторинг ўтказилмаган ва Томонлар ўртасида Мониторинг натижаси ва суғурталанган мол-мулк рўйхати (Шартноманинг 1-илоvasи) имзоланмай қолган бўлса;

в) Суғурта қилдирувчи Суғурталовчига регресс тартибида талаб қилиш ҳуқуқини амалга ошириш учун зарур ҳужжатларни тақдим этишдан бош тортса;

г) Суғурта қилдирувчининг ишчилари (ҳодимлари) олдида фуқаролик жавобгарлигининг юзага келиши;

д) тўсатдан содир бўлмаган, узоқ вақт давомида кўрилган ҳар қандай зарар, шу жумладан занглаш, чириш, ҳашоратлар, куртлар, бактериялар, микроорганизмлар кемириши;

е) лойиҳалаштиришда йўл қўйилган камчилик ёки хатолар, техника ёки технологияни нотўғри қўллаш сабабли зарар юзага келиши;

ж) ҳар қандай радиоактив, ядровий материаллар қўлланилиши ёки уларнинг ташқаридан таъсир этиши оқибатида зарар етиши;

з) асбест, диоксин ёки полихлор бифенолдан зарар етиши;

и) электр ва механик бузилишлар, мойлаш ва совутиш суюқликлари носозлиги, бузилиши, музлаши, нуқсонли мой ёки мойлаш ва совутиш суюқликларининг сирқиб чиқиши натижасида зиён етиши;

к) қонун ҳужжатларида кўрсатилган ҳолатлар.

4-БЎЛИМ. СУҒУРТА ПУЛИ, СУҒУРТА МУКОФОТИ ВА ФРАНШИЗА

4.1. Шартнома бўйича суғурта пуллари Шартноманинг 1-илоvasида кўрсатилган.

4.2. Шартнома бўйича суғурта мукофоти 5508978 сумни ташкил этади.

4.3. Суғурта мукофоти томонлар Шартномани имзолаганларидан кейин 5 (беш) иш куни ичида яхлит тўланади.

(Суғурта мукофоти босқичма-босқич тўланадиган бўлса, 5.3-банд қуйидаги таҳрирда баён қилиниши лозим:

** тўловлар сонини томонлар ўзаро келишиб оладилар.)*

4.4. Шартнома бўйича шартсиз франшизалар миқдорлари Шартноманинг 1-илоvasида кўрсатилган.

4.5. Барча ўзаро ҳисоб-китоблар Ўзбекистон Республикаси миллий валютасида амалга оширилади.

5-БЎЛИМ. ЗАРАРНИ КЎРИБ ЧИҚИШ ТАРТИБИ

5.1. Шартноманинг 3.1-бандида кўрсатилган воқеалардан бири содир бўлса, Суғурта қилдирувчи қуйидагиларни амалга ошириши шарт:

- а) зарарни камайтириш ва уни кўпайишини олдини олиш бўйича барча чораларни кўриши;
- б) мутасадди ташкилотларга дарҳол хабар бериши;
- в) Суғурталовчига дарҳол, лекин 24 соатдан кечиктирмай ҳар қандай услубда хабар бериши.

5.2. Суғурталовчи Суғурта қилдирувчининг хабарномасини олгандан кейин 2 соатдан кечиктирмай ўз вакилларини қурилиш майдонига етиб боришини таъминлаши шарт.

5.3. Суғурталовчининг вакиллари қурилиш майдонига боргандан кейин суғурта ходисаси содир бўлганлиги ёки бўлмаганлиги тўғрисида хулоса қиладилар.

Суғурталовчининг вакиллари суғурта ходисаси содир бўлганлиги тўғрисида хулоса қилган тақдирда Суғурталовчининг вакили кўрилган зарарни аниқлайди. Суғурта қилдирувчи аниқланган зарар миқдорига рози бўлса, Томонлар Шартноманинг 2-иловаси шаклида Суғурта ходисаси тўғрисида далолатномани имзолайдилар.

Суғурталовчининг вакили суғурта ходисаси содир бўлмаганлиги тўғрисида хулоса қилган ёхуд аниқланган зарар миқдорига Суғурта қилдирувчи рози бўлмаган тақдирда Суғурталовчининг вакили Суғурта қилдирувчига Шартноманинг 3-иловаси шаклида суғурта товонини тўлашга асос етарли эмаслиги ҳақида хабарномани тақдим этади.

5.4. Зарарни сабаби ва миқдорини аниқлаш, ўз вақтида содир бўлган воқеа тўғрисида хабар бериш ёки қурилиш майдонига етиб бориш имконияти бўлмаса, Суғурта қилдирувчи суғурта товонини олиш учун Шартноманинг 4-иловаси шаклидаги ариза билан биргаликда қуйидаги ҳужжатларни тақдим этиши шарт:

- а) мутасадди ташкилотнинг (ИИБ, ФВВ, ЁСХБ, Узгидромет, Сейсмопрогностик мониторинг Республика маркази) суғурта ходисаси содир бўлганлигини тасдиқловчи ҳужжати;

- б) мутасадди ташкилотнинг (баҳоловчи, таъмирловчи ташкилот) кўрилган зарар миқдорини тасдиқловчи ҳужжати;

- в) Шартноманинг 3.1 б) бандида кўрсатилган суғурта ходисаси содир бўлган бўлса, учинчи шахсга етказилган зарарни тасдиқловчи ҳужжатлар (баҳоловчининг хулосаси, даволаш муассасининг маълумотномаси, касаллик тарихидан кўчирма, ТМЭК хулосаси, ўлим ҳақида тиббий гувоҳнома);

- г) Шартноманинг 3.1 в) бандида кўрсатилган суғурта ходисаси содир бўлган бўлса, қафолат бўйича амалга оширилган ишларга сарфланган харажатларни тасдиқловчи ҳужжатлар.

Суғурталовчи Суғурта қилдирувчи топширган ҳужжатларга кўра ходисаси суғурта ходисаси содир бўлганлиги ёки бўлмаганлиги тўғрисида 3 календарь куни ичида хулоса қилади.

Суғурталовчи суғурта ходисаси содир бўлмаганлиги тўғрисида хулоса қилган тақдирда Суғурталовчининг вакили Суғурта қилдирувчига Шартноманинг 3-иловаси шаклида суғурта товонини тўлашга асослар етарли эмаслиги ҳақида хабарномани тақдим этади.

Суғурталовчи суғурта ходисаси содир бўлмаганлиги тўғрисида хулоса қилган тақдирда Томонлар Шартноманинг 2-иловаси шаклида Суғурта ходисаси тўғрисида далолатномани 3 календарь куни ичида имзолайдилар.

5.5. Суғурта товони Суғурта ходисаси тўғрисида далолатнома имзоланган пайтдан бошлаб 24 соат ичида пул кўчириш йўли билан Суғурта қилдирувчининг банк ҳисобварағига ўтказиб берилади.

5.6. Тўланган суғурта товони миқдоридаги, суғурталанган мол-мулкнинг зарарланган қисмларига бўлган мулкдорлик ҳуқуқи Суғурталовчига ўтиб, уни берилиши ва қабул қилиниши Ўзбекистон Республикасининг амалдаги қонун ҳужжатлари билан расмийлаштирилади.

5.7. Ўзбекистон Республикасининг амалдаги конун ҳужжатларига мувофиқ Суғурталовчига у тўлаган суғурта товони миқдорида зарарни етказганликда жавобгар деб топилган шахсдан ушбу маблағни талаб қилиш ҳуқуқи ўтади. Бунда Суғурта қилдирувчи ушбу ҳуқуқни амалга ошириш учун зарур бўлган барча ҳужжатларни Суғурталовчига тақдим этиши ва амалларни бажариши шарт.

6-БЎЛИМ. СУҒУРТА ТОВОНИНИНГ МИҚДОРИ

6.1. Суғурта товони қуйидагича аниқланади:

а) Шартноманинг 3.1 а) бандида кўрсатилган суғурта ходисаси содир бўлса, суғурта товони қуйидаги аниқланади:

$$ДТ = (СҚ / (СП - АСТ)) \times ЗМ + ЗХ - \Phi$$

Агар $ДТ \geq СП$ бўлса, $СТ = СП$, агар $ДТ < СП$ бўлса, $СТ = ДТ$.

Бунда ДТ – дастлабки ҳисобланган товон миқдори, СҚ – зарарланган суғурталанган мол-мулкнинг суғурта қиймати; СП – зарарланган суғурталанган мол-мулкнинг суғурта пули; АСТ – суғурта муддати мобайнида тўланган аввалги суғурта товони миқдори, агар суғурта пули қўшимча суғурта мукофоти тўлаб тикланган бўлса, АСТ нолга тенг; ЗМ – қурилиш майдонини кўздан кечиришда аниқланган ёки зарар миқдорини тасдиқловчи ҳужжатда кўрсатилган зарар миқдори; ЗХ – зарар ҳужжатлар асосида аниқланган тақдирда баҳолаш хизмати учун харажат; Φ – шартсиз франшиза миқдори, агар Шартнома бўйича шартли франшиза белгиланган бўлса, зарар миқдори шартли франшизанинг миқдоридан ошганда франшиза қўлланилмайди.

$СП - АСТ \leq 0$ бўлса, суғурта товони аниқланмаган ҳисобланади ва тўланмайди.

б) Шартноманинг 3.1 б) бандида кўрсатилган суғурта ходисаси оқибатида учинчи шахснинг ҳаёти, соғлиғига зарар етса, ҳар бир шахс учун суғурта пулининг қуйидаги фоизларида ҳисобланади:

енгил тан жароҳати учун – 10%;

оғир тан жароҳати учун – 30%;

II гуруҳ ногиронлиги учун – 50%;

I гуруҳ ногиронлиги ёки ўлим ҳолати учун – 100%.

Суғурта муддатида олинган жароҳат суғурта муддатидан кейин ҳам 6 ой давомида даражаси оғирлашганса, оғирлашган зарар учун тўланадиган суғурта товонидан аввал енгилроқ бўлган зарар учун тўланган суғурта товони миқдори айириб тўланади.

в) Шартноманинг 3.1 б) банди бўйича учинчи шахснинг мол-мулкига зарар етказилганлиги оқибатида суғурта ходисаси содир бўлса, суғурта товони мазкур зарар бўйича белгиланган суғурта пулидан ошмаган миқдорда учинчи шахсга тўланади ва тўлов амалга оширилгандан сўнг Суғурта қилдирувчи Суғурталовчига Шартноманинг 1-илоvasида кўрсатилган регресси франшиза миқдоридаги пул маблағларини 15 (ўн беш) иш кунидан кечиктирмай қоплаб бериши шарт;

г) Шартноманинг 3.1 в) банди бўйича суғурта товони мазкур зарар бўйича белгиланган суғурта пулидан ошмаган миқдорда ҳужжатлар билан тасдиқланган харажатлардан шартсиз франшизани айириб ташлаган ҳолда тўланади.

6.2. Зарар (формулада – ЗМ) миқдори қуйидаги тиклаш харажатларидан ташкил топади:

а) таъмирлаш (тиклаш) учун материаллар ва эҳтиёт қисмларга харажатлар;

б) таъмирлаш ишларининг ҳақини тўлаш харажатлари;

в) суғурталанган мол-мулкни унинг суғурта ходисасидан олдинги ҳолатигача тиклаш учун зарур бўлган материалларни таъмирлаш жойига етказиб бериш харажатлари;

г) тикловчи ташкилот ҳужжатларга мувофиқ қўшимча қиймат солиғи тўловчиси бўлса, қўшимча қиймат солиғи.

6.3. Суғурталовчининг суғурталанган мол-мулкни ёки унинг қисмини алмаштириш йўли билан қоплаш ҳукуки бор. Агар Суғурталовчи суғурталанган мол-мулкни ёки унинг қисмини алмаштириш йўли билан қоплашга қарор қилса, Суғурта қилдирувчи Суғурталовчини ўз ҳисобидан барча режалар, таснифлар, ўлчовлар ва Суғурталовчи талаб қилиши мумкин бўлган бошқа маълумотлар билан таъминлаши шарт.

6.4. Шартномада қурилишни молиялаштирган Наф олувчи иштирок этса, суғурта товони Суғурта қилдирувчининг қарзи миқдорида Наф олувчига ва суғурта товонининг қолган қисми Суғурта қилдирувчига тўланади.

6.5. Агар зарар тўлалигича зарар етишида жавобгар бўлган шахс ёки бошқа ҳар қандай учинчи шахс томонидан қопланса, Суғурта қилдирувчи (Наф олувчи) суғурта товонини олишга ҳақли эмас. Бунда зарар қисман ёки тўлиниши лозим бўлган суғурта товонидан кам миқдорда қопланса, суғурта товони Суғурта қилдирувчи (Наф олувчи) аввал олган қопламалар чегирилган ҳолда тўланади.

6.6. Суғурталовчи зарарни қоплаш учун амалга оширган ҳар бир тўлов суғурта пули миқдорини ушбу тўлов миқдорида камайтиради. Суғурта қилдирувчи Суғурталовчи томонидан ҳисобланган миқдорда қўшимча суғурта мукофоти тўласа, Суғурталовчи мажбуриятлари Шартномада кўрсатилган суғурта пули миқдорида тикланади.

7-БЎЛИМ. ШАРТНОМАНИНГ КУЧГА КИРИШИ ВА МУДДАТИ

7.1. Шартнома уни томонлар имзолаган пайтдан бошлаб кучга қиради. Суғурта мукофоти ёки унинг биринчи қисми ўз вақтида тўланган тақдирда Суғурталовчининг Шартнома бўйича мажбуриятлари 2021йил «17» майдан бошланади ва 2022йил «16» майгача амал қилади.

7.2. Суғурталовчининг суғурта ходисаси содир бўлганда суғурта товонини тўлаш мажбурияти суғурта мукофоти Суғурталовчининг банк ҳисобварағига келиб тушган пайтдан бошлаб кучга қиради.

7.3. Суғурта полиси суғурта мукофоти ёки унинг биринчи қисми тўлангандан сўнг 3 (уч) иш куни ичида тўланган суғурта мукофотига мутаносиб муддат учун берилади.

7.4. Суғурта полиси йўқолганда Суғурталовчи унинг дубликатини Суғурта қилдирувчининг ёзма аризаси асосида беради. Бунда йўқолган Суғурта полиси ўз юридик кучини йўқотади ва йўқолган Суғурта полиси бўйича тўловлар амалга оширилмайди.

8-БЎЛИМ. ТОМОНЛАРНИНГ ҲУҚУҚ ВА МАЖБУРИЯТЛАРИ

8.1. Суғурта қилдирувчи/Наф олувчининг ҳуқуқлари:

а) Суғурталовчи билан келишган ҳолда Шартномага ўзгартиришлар ва қўшимчалар киритиш;

б) Шартнома бўйича маслаҳатлар олиш;

в) Суғурта полиси йўқолганда унинг дубликатини олиш;

г) қонун ҳужжатларида назарда тутилган бошқа ҳуқуқларини амалга ошириш.

8.2. Суғурта қилдирувчининг мажбуриятлари:

а) Шартномада белгиланган тартиб ва муддатда суғурта мукофотини тўлаш;

б) суғурталанган мол-мулкни ёнғин хавфсизлиги қоидаларига қатъий риоя қилган ҳолда сақлаши, назоратчи идоралар талабларининг бажарилишини таъминлаши, мол-мулкдан фойдаланиш қоидаларига, шу жумладан капитал ва жорий таъмирлашнинг белгиланган меъёрларига амал қилиш;

в) ишлаб чиқарувчининг суғурталанган мол-мулкни сақлаш, ишга тушириш ва ундан фойдаланишга оид қоидаларига (қўлланмаларига, эслатмаларига) қатъий риоя қилиш;

г) Шартномани тузаётганда Суғурталовчига хабар қилинган маълумотлар, шу жумладан у турган жой ўзгарганлиги ҳақида зудлик билан хабар бериш;

д) суғурта ходисасининг олдини олиш учун унга боғлиқ барча чораларни амалга

ошириш;

е) Суғурталовчи томонидан даъвонинг кўриб чиқилишига ва регресс талаби ҳукуки амалга оширилишига рози бўлиш;

ж) Суғурталовчидан Шартнома амал қилиши даврида олинган ахборотни ошкор қилмаслиги, Суғурта қилдирувчи ва (ёки) Наф олувчи ахборотни давлат идораларига Ўзбекистон Республикаси қонун ҳужжатларига мувофиқ бериши шарт бўлган ҳолатлар бундан мустасно.

8.3. Суғурталовчининг ҳуқуқлари:

а) суғурта ҳодисаси рўй бериши эҳтимолини камайтиришга йўналтирилган унинг олдини олиш чораларини кўриш;

б) суғурта ҳодисаси содир бўлиши таваккалчилик даражасини тавсифловчи кўшимча ҳужжатларни талаб қилиши;

Шартнома амалда бўлган даврда қалтислик даражаси ўзгарса, шарт-шароитдан келиб чиқиб суғурта мукофотининг миқдори оширилиши ёки камайрилиши мумкин;

в) Суғурта қилдирувчи ва (ёки) Наф олувчи тақдим этган ахборотни ҳамда Суғурта қилдирувчи Шартнома шартларига амал қилишини текшириш;

г) қонун ҳужжатларига биноан бошқа ҳуқуқларни амалга ошириш.

8.4. Суғурталовчининг мажбуриятлари:

а) суғурта полисини Шартномада кўрсатилган муддатда бериш;

б) барча зарур ҳужжатларни олиб, воқеани суғурта ҳодисаси деб тан олгандан сўнг Шартномада келишилган миқдор ва муддатда суғурта товонини амалга ошириш;

в) Суғурта қилдирувчининг сўровномасига кўра Шартнома бўйича унга маслаҳатлар бериш;

г) Суғурта қилдирувчи/Наф олувчидан Шартнома амал қилиши даврида олинган ахборотни ошкор қилмаслиги, Суғурталовчи ахборотни давлат идораларига Ўзбекистон Республикаси қонун ҳужжатларига мувофиқ тақдим этиши шарт бўлган ҳоллар бундан мустасно;

д) агар Шартномага мувофиқ суғурта пули Шартнома тузилган санада белгиланган суғурта қийматидан паст миқдорда белгиланган бўлса, Суғурталовчи суғурта ҳодисаси содир бўлганда зарарларни Ўзбекистон Республикаси Фуқаролик кодексининг 936-моддасига мувофиқ суғурта пулининг суғурта қийматига бўлган нисбатга мутаносиб равишда қоплаши шарт.

9-БЎЛИМ. ШАРТНОМАНИ БЕКОР ҚИЛИШ ВА ТЎХТАТИЛИШИ

9.1. Шартнома муддатидан аввал Суғурта қилдирувчи ва Наф олувчининг ёзма аризасига биноан бекор қилиниши мўлжалланган санадан камида 30 (ўттиз) кун олдин хабар бериш шarti билан бекор қилиниши мумкин.

9.2. Суғурталовчи ўз мажбуриятларини бузганлиги муносабати билан Суғурта қилдирувчи ва (ёки) Наф олувчи Шартномани муддатидан олдин бекор қилишни талаб қилса ва аввал Суғурта қилдирувчи ва (ёки) Наф олувчига суғурта товони тўланмаган бўлса, тўланган суғурта мукофоти қайтарилиши лозим. Мажбуриятлар бузилмаган тақдирда қолган суғурта мукофоти суғурта муддати учун ҳисобланган суғурта мукофотидан ўтган суғурта муддатига мутаносиб суғурта мукофотининг 25 фоизини чегириб қолган ҳолда қайтарилмайди.

9.3. Суғурта қилдирувчи ўз мажбуриятларини бузганлиги сабабли Суғурталовчи Шартномани муддатидан аввал бекор қилишни талаб қилса, тўланган суғурта мукофоти қайтарилмайди.

9.4. Шартнома қуйидаги ҳолларда тўхтатилади:

а) муддати тамом бўлганда;

б) Суғурталовчининг Суғурта қилдирувчи олдидаги мажбуриятлари тўлиқ ҳажмда бажарилганда;

в) Ўзбекистон Республикасининг амалдаги қонун ҳужжатларида назарда тутилган бошқа ҳолларда.

10-БЎЛИМ. ТОМОНЛАРНИНГ ЖАВОБГАРЛИГИ

10.1. Ўз зиммасига олган мажбуриятларини бажармаганлиги ёки лозим даражада бажармаганлиги учун томонлар Ўзбекистон Республикасининг амалдаги қонун ҳужжатларига мувофиқ жавоб берадилар.

10.2. Агар томонларнинг Шартнома бўйича мажбуриятларини бажара олмасликларига енгиб бўлмайдиган куч (форс-мажор) сабаб бўлса, Томонлар жавобгарликдан озод бўладилар. Енгиб бўлмайдиган куч таъсирида бўлган томон бошқа томонни ана шундай ҳолат юзага келгани ва унинг таъсири қанча давом этиши мумкинлиги ҳақида зудлик билан хабардор қилиши шарт.

11-БЎЛИМ. БАҲСЛАРНИ ҲАЛ ҚИЛИШ ТАРТИБИ

11.1. Шартномада назарда тутилган ёки у билан боғлиқ масалалар бўйича баҳслар, талаблар ёки келишмовчиликлар юзага келган тақдирда Томонлар уларни музокаралар олиб бориш йўли билан ҳал қилиш чораларини кўрадилар, ҳал қилишнинг имкони бўлмаганда улар Ўзбекистон Республикасининг амалдаги қонун ҳужжатларига мувофиқ ҳал этилади.

12-БЎЛИМ. БОШҚА ШАРТЛАР

12.1. Шартномага киритиладиган барча қўшимчалар ва ўзгартиришлар, шунингдек унинг муддатини узайтириш ҳамда тўхтатиш ёзма равишда амалга оширилиши шарт.

12.3. Томонларнинг Шартномада баён этилмаган ўзаро муносабатлари Ўзбекистон Республикасининг амалдаги қонун ҳужжатлари билан тартибга солинади.

12.4. Шартнома бир хил юридик кучга эга, томонларнинг ҳар бирида бир нусхадан сақланадиган 2 (икки) нусхада тузилди.

13-БЎЛИМ. ТОМОНЛАРНИНГ ЮРИДИК МАНЗИЛЛАРИ:

СУҒУРТАЛОВЧИ
“TRUST-INSURANCE” МЧЖ СК
Андижон вилоят
филиали директори
Манзил: Андижон шаҳар, Истиклол
куча

тел.: _____ факс: _____
Х.р. 20216000405187595010
Уз Миллий банк Андижон филиали
Банк коди: 00074
СТИР: 307184423

СУҒУРТА ҚИЛДИРУВЧИ
Хурбоева Зинаида Хайратовна
МЧЖ

Манзил: *Хурбоева Зинаида Хайратовна*
Тўғлиқовна

тел.: 991507804 факс: _____
Х.р. 20202000000872086001

Банк коди: 00686
СТИР: 305453588

З Хурбоева



2021 й. «27» 12 даги
 03/08-09-13-16/00242-сон
 Курилиш-монтаж ишларини суғурта қилиш
 шартномасига (24 соатда тўлов)
 1-ИЛОВА

МОНИТОРИНГ НАТИЖАСИ ВА СУҒУРТАЛАНГАН МОЛ-МУЛКНИНГ РЎЙХАТИ

1	Суғурта қилдирувчининг манзили	Хижолиева ҳаво қурилиш ИК			
2	Суғурталанган мол-мулк жойлашган манзил (Курилиш майдони)	Хушиёва суғурта ИК			
3	Наф олувчининг номи	Хушиёва суғурта ИК			
4	Наф олувчининг манзили ва у билан боғланиш учун телефон рақамлари	Хушиёва суғурта ИК			
5	Курилиш майдонида кузатув видео камералар мавжудлиги	<input type="checkbox"/> мавжуд эмас	<input type="checkbox"/> мавжуд, видео ёзувлар __ кун/доимий сақланади. камералар сони __ та, шундан __ таси ишлайди.		
6	Курилиш майдонида видео камералар суратга ола олмайдиган (кўр) ҳудудлар мавжудлиги	<input type="checkbox"/> мавжуд эмас, камералар ҳудудни тўлиқ камраб олган; <input type="checkbox"/> мавжуд, лекин мол-мулк камерага тўлиқ тушади; <input type="checkbox"/> мол-мулк камерага тушмайдиган ҳудудлар мавжуд.			
7	Курилиш майдонида кўриқчилар ёки қоровуллар мавжудлиги	<input type="checkbox"/> мавжуд эмас	<input type="checkbox"/> мавжуд Кўриқчилар сони __ та.		
8	Курилиш майдонида ўт ўчириш мосламалари мавжудлиги	<input type="checkbox"/> мавжуд эмас	<input type="checkbox"/> мавжуд	Спринклерлар __ та, шундан __ таси ишлайди. Гидрантлар __ та, шундан __ таси ишлайди. Тутун датчиклари __ та, шундан __ таси ишлайди.	
9	Курилиш майдонига энг яқин ўт ўчириш хизмати	__ км масофада жойлашган.			
10	Охирги беш йилда мол-мулкка етган зарарлар миқдори ва сабаби	20 й.	20 й.	20 й.	20 й.
11	Курилиш кафолати муддати	365 кун.			
12	Суғурталанган мол-мулкнинг рўйхати				
№	Мол-мулкнинг номи	Ўлчов бирлиги	Миқдори	Суғурта қиймати	Суғурта пули
1					
ЖАМИ:					
13	Мол-мулк бўйича суғурта мукофоти				
14	Суғурталанган мол-мулк бўйича шартсиз франшиза	суғурта пулининг 0%.			
15	Учинчи шахслар олдидаги жавобгарлик бўйича	хар бир шахснинг ҳаёти, соғлиғига етказилган зарар учун суғурта пули – __ сўм.			

		хар бир шахнинг мол-мулкига етказилган зарар учун суғурта пули – <u>1740305658</u> сўм.
		регресси шартсиз франшиза – суғурта пулининг %.
		суғурта мукофоти – _____ сўм.
16	Курилиш кафолати бўйича	суғурта пули – <u>1392244826</u> сўм.
		шартсиз франшиза – суғурта пулининг %.
		суғурта мукофоти – <u>58683705</u> сўм.
17	Курилиш майдони атрофидаги объектлар номи ва мол-мулкдан уларгача бўлган масофа	

ТОМОНЛАРНИНГ ИМЗОЛАРИ:

СУГУРТАЛОВЧИ
3 Хурбосева



СУГУРТА КИЛДИРУВЧИ

